

七十二家集

沈隱侯集卷之二

梁吳興沈約休文著

明閩漳張爕紹和纂

樂府

梁雅樂歌十一首

皇雅 三曲

皇帝出入宋孝建起居注奏未至至是
改爲皇雅取詩皇矣上帝臨下有赫也

帝德實廣運車書靡不賔執珣朝羣后垂旒御
百神八荒重譯至萬國婉來親

華蓋拂紫微勾陳繞太一容齋被緹組參差羅
罽畢星回昭以爛天行徐且謐

清蹕朝萬寓端冕臨正陽青絢薰金縷袞衣文
繡裳旣散華蟲采復流日月光

滌雅

一曲

牲出入宋元徽儀注奏引牲至是改
爲滌雅取禮記帝牛必在滌三月也

將脩盛禮其儀孔熾有膺斯牲國門是置不黎
不瘠靡愆靡忌呈肌獻體永言昭事俯休皇德
仰綏靈志百福具膺嘉祥允洎駿奔伊在慶

遐嗣

牲雅

一曲

薦元血宋元徽儀注奏嘉薦至是改爲牲雅取春秋左氏傳牲牲肥腍也

反本興敬復古昭誠禮容宿設祀事孔明華俎
待獻崇碑麗牲充哉繭握肅矣簪纓其脣旣啓
我豆旣盈庖丁游刃葛盧驗聲多祉攸集景福
來并

誠雅

三曲

降神及迎送宋元徽儀注奏昭夏至是改爲誠雅取尚書至誠感神也

沈隱侯集

卷二

懷忽慌瞻浩蕩盡誠潔致虔想出杳冥降無象
皇情肅具僚仰人禮盛神途敞僂明靈申敬享
感蒼極洞玄象

降神

地德溥崑丘峻揚羽翟鼓應輦出尊祇展誠信
招海瀆羅嶽鎮惟福祉咸昭晉

迎神

我有明德馨非稷黍牲玉孔備嘉薦惟旅金懸
宿設和樂具舉禮達幽明敬行尊俎鐘鼓云送
遐福是與

送神

獻雅

一曲

皇帝飲福酒宋元徽儀注奏嘉祥梁初
改爲永祥至是改爲獻雅取禮記祭統
尸飲五洗玉爵獻卿今
之福酒亦古獻之義也

神宮肅肅天儀穆穆禮獻既同膺茲釐福我有
馨明無愧史祝

禮雅 二曲

就燎位宋元徽儀注奏昭遠就埋位齊
永明儀注奏隸幽至是燎埋俱奏禮雅
取周禮大宗伯以禮
祀祀昊天上帝也

紫宮昭煥太乙徽玄降臨下土尊高上天載陳
珪幣式備牲牷雲籥清引栴虞高懸俯昭象物

仰致高煙肅彼靈祉咸達皇虔

就燎用

盛樂斯舉協徵調宮靈饗慶洽祉積化融八變

有序三獻已終坎牲瘞玉酌德報功振垂成呂

投壤生風道無虛致事由感通於皇盛烈比祚

華嵩

就埋用

梁南郊登歌詩二首

噉旣明禮告成惟聖祖主上靈爵已獻壘又盈
息羽籥展歌聲優如在結皇情

禮容威尊俎列玄酒陳陶匏設獻清酒致虔潔

王旣升樂已闕降蒼昊垂芳烈

梁北郊登歌二首

方壇旣埴地祇已出盛典弗訾羣望咸秩乃升
乃獻敬成禮卒靈降無兆神饗載謐允矣嘉祚
其升如日

至哉坤元實惟厚載躬茲奠饗誠交顯晦或升
或降搖珠動珮德表成物慶流皇代純嘏不訾
祺福是資

梁明堂登歌五首

青帝

帝居在震龍德司春開元布澤含和尚仁羣居
既散歲云陽止飭農分地民粒惟始雕梁繡棋
川檻玉墀靈威以降百福來綏

赤帝

炎光在離火爲威德執禮昭訓持衡受則靡草
既凋溫風以至嘉薦惟旅時彞孔備齊綖在堂
笙鏞在下匪惟七百無絕終始

黃帝

鬱彼中壇含靈闢化迴環氣象輪無輟駕布德
馬在四序將收音宮數五飯糗騶駟宅屏居中
旁臨外宇升爲帝尊降爲神主

白帝

神在秋方帝居西皓允茲金德裁成萬寶鴻來
雀化參見火斜幕無玄鳥菊有黃華載列笙磬
式陳彝俎靈罔常懷惟德是與

黑帝

德盛乎水玄冥紀節陰降陽騰氣凝象閔

隋書
作閔

司智蒞坎駕鐵衣玄祈寒拆地晷度廻天悠悠
四海駿奔奉職祚我無疆永隆民極

梁宗廟登歌七首

功高禮洽德尊樂備三獻具舉百司在位誠敬
罔訾幽明同致茫茫億兆無思不遂葢之如天
容之如地

殷兆玉筐周始邠王於赫文祖基我大梁肇土
七十奄有四方帝軒百祀人思未忘永言聖烈
祚我無疆

有夏多罪殷人塗炭四海倒懸十室思亂自天
命我殲凶殄難旣躍乃飛言登天漢爰享爰格
福祿攸贊

犧象旣飾罍俎斯具我鬱載馨黃流乃注峩峩
卿士駿奔是務佩上鳴堦纓還拂樹悠悠億兆
天臨日煦

猗與至德光被黔首鑄鎔蒼昊甄陶區有恪恭
三獻對揚萬壽比屋可封含生無咎匪徒七百
天長地久

有命自天於皇后帝悠悠四海莫不來祭繁祉
具膺八神聳衛福至有兆慶來無際播此餘休
于彼荒裔

祀典昭潔我禮莫違八簋充室六龍解駢神宮
肅肅靈寢微微嘉薦旣饗景福攸歸至德光被
洪祚載輝

梁三朝雅樂歌六首

梁初郊禋宗廟及三朝之樂並用宋齊
儀注唯改嘉祚爲永祚又去永至之樂
及帝定國並以雅爲稱取詩序云言天
下之事形四方之風謂之雅雅者正也

止於十二則天籟也乃去階步之
樂增徽食之雅焉詩經沈約所製

俊雅

三曲

舉官出人宋元徽儀注奏肅咸樂至是
改爲俊雅取禮記司徒論選士之序者
升之學曰
俊士也

設官分職髦俊攸俟髦俊伊何貴德尚齒唐父
咸事周宣多士區區衛國猶賴君子漢之得人
帝猷乃理

開我八襲闢我九重珩珮流響纓紱有容袞衣
前邁列辟雲從義兼東序事矣西雍分階等蕭

異列齊恭

重列北上分庭異陞百司揚職九賓相禮齊宋
舅甥魯衛兄弟思皇謫謫羣龍濟濟我有嘉賓
實惟懜懜

胤雅 一曲

皇太子出入於胤雅取詩
君子萬年永錫祚胤也

自西殷代哲王迭有降及周成惟器是守上天
乃眷大梁旣受灼灼重明仰承元首體乾作貳
命服斯九置保置師居前居後前星比耀克隆

萬壽

寅雅 一曲

王公出入奏寅雅取尚書周
官三公弘化寅亮天地也

禮莫違樂具舉延藩辟朝帝所執桓蒲列齊首
垂袞毳紛容與升有儀降有序齊簪紱忘笑語
始矜嚴終醺醺

介雅 三曲

上壽酒奏介雅取詩君
子萬年介爾景福也

百福四象初萬壽三元始拜獻惟袞職同心協

卿士北極末無窮南山何足擬

壽隨百禮洽慶與三朝升惟皇集繁祉景福互相仍申錫末無遺穰簡必來應

百味既含馨六飲莫能尚玉壘信湛湛金卮頗搖滌敬舉發天和祥祉流嘉貺

需雅 八曲

食舉奏需雅取易曰雲上於天需君子以飲食燕樂也

實體平心待和味庶羞百品多爲貴或鼎或鼐宣九沸楚桂胡鹽芼芳卉加籩列俎雕且蔚

五味九變兼六和合芳甘旨庶且多三危之露
九期一作貞禾圓案方丈粲星羅皇舉斯樂同山
河

九州上駛非一族玄芝碧樹壽華木終期采之
不盈掬用拂腥膻和九穀既甘且飫致遐福
人欲所大味爲先興和盡敬咸在旃碧鱗朱尾
獻嘉鮮紅毛綠翼墜輕翮臣拜稽首萬斯年
擊鐘以俟惟大國况乃御天流至德侑食斯舉
揚盛則其禮不謬儀不忒風猷所被深且塞

膳夫奉職獻芳茲不麝不天咸以時調甘適苦
別澠潛其德不爽受福釐於焉逸豫永無期
備味斯饗惟至聖咸降人神禮爲盛或風或雅
流歌誄負鼎言歸啓殷命悠悠四海同茲慶
道我六穗羅八珍淇鼎自爨匪勞薪荆包海物
必來陳滑甘滫瀡味和神以斯至德被無垠

雍雅 三曲

徹饌奏雍雅取禮記
大饗客出以雍徹也

明明在上其儀有序終事靡訯收銅撤俎乃升

乃降和樂傳舉天德莫違人謀是與敬行禮達
茲馬謠語

我儉惟阜我有孔庶嘉味既克食旨斯飫屬饜
無美冲和在御擊壤齊歡懷生等豫蒸庶乃粒
實由仁恕

百司警列皇在在陞既飫且醕卒食成禮其容
穆穆其儀濟濟凡百庶寮莫不愜悌奄有萬國
抑由天啓

五引曲五首

角引

萌生觸發歲在春咸池始奏德尚仁慈憑以息

和且均

徵引

執衡司事宅離方滔滔夏日火德昌八音備舉
樂無疆

宮引

八音資始君五聲興比和樂感百精優游律呂
被咸英

商引

司秋紀兌奏西音激揚鐘石和瑟琴風流福被
樂惜惜

羽引

玄英紀運冬冰折一作物爲音本和且悅窮高

測深長無絕

梁鼓吹曲十二首

鼓吹宋齊金用漢曲又克庭用十六曲
梁祖乃去四曲留其十二合目時也
更制新歌以述功德

木紀謝

漢朱翬改爲木紀
謝言齊謝梁升也

木紀謝火運昌炳南陸耀炎光民去癸鼎歸梁
鯨魚出慶雲翔轡五帝軼三王德無外化溥將
仁蕩蕩義湯湯浸金石達昊蒼橫四海被八荒
舞干戚垂衣裳對天眷坐巖廊胤有錫祚無疆
風教遠禮容盛感人神宣舞詠降繁祉延嘉慶

賢首山

漢思悲翁改爲賢首山言武帝
帝破魏軍於司部肇王迹也

賢首山險而峻乘峴憑臨胡陣騁奇謀奮卒徒
斷白馬塞飛狐殪日逐殲骨都乃谷蠡馘林胡
草旣潤原亦塗輪無反幕有烏掃殘孽震戎連
揚凱奏展歡酺詠杖杜旋京吳

桐柏山

漢艾如張改爲桐柏山言
武帝牧司王業彌章也

桐柏山淮之首肇基帝迹遂光區有大震邊關
殪獯醜農旣勸民惟阜穗克庭稼盈畝迫嘉辰
薦芳糗納寒場爲春酒昭景福介眉壽天斯長

地斯久化無極功不朽

道亡

漢上之回改爲道亡言東
昏喪道義師起樊鄧也

道亡數極歸末元悠悠兆庶盡含冤沈河莫極
皆無安赴海誰授矯龍翰自樊漢仙波流水清
且瀾救此倒懸拯塗炭誓師劉旅赫靈斷率茲
八百驅十亂登我聖明去多難長夜杳冥忽云

旦

忱威

漢書地理志改爲竹書
破加湖元勲建也

忱威授律命蒼兕言薄加湖灌秋水迴瀾潯汨
汎增雉爭河投岸擲盈指犯刃嬰戈洞流矢資
此威一作威烈齊文軌

漢東流

漢戰城南改爲漢東流
古義師克魯山城也

漢東流江之汭逆徒蜂聚旌旗紛蔽仰震威靈
乘高騁銳至仁解網窮鳥入懷因此龍躍言登
泰階

鶴樓峻

漢至山高改爲鶴樓峻
言平郢城兵威無敵也

鶴樓峻連翠微因巖設險池水歸唇亡齒懼薄
言震耀靈威幽衆稽顙天不能違金湯無所用
功烈長巍巍

昏主恣淫慝

漢上陵改爲昏主恣淫慝言東昏政亂
武帝起義平九江姑熟大破朱雀代罪
也

昏主恣淫慝皆曰自昌盛上仁矜億兆誓師爲

請命既齊卅浦戰又符甲子辰龔難伐有罪伐
罪弔斯民悠悠億萬姓於此觀陽春

石首局

漢將進酒改為石首局言義
師平京城仍廢昏定大事也

石首局比墉堦新堞嚴東壘峻其表裏遙相鎮
矢未飛鼓方振競銜壁壘與觀酒池擾象廊震
同伐謀兼善陳闢應和掃煨燼剪度惡靡餘胤

期運集

漢有所思改為期運集言
帝膺錄受禪德盛化遠也

期運集惟皇膺寶符龍躍清漢渚鳳起方城隅
謳歌共適夏獄訟兩違朱二儀啓嘉祚千載猶
旦暮舞蹈流帝功金玉昭王度

於穆

漢芳樹改爲於穆言大梁闡
運君臣和樂休祚方遠也

於穆君臣君臣和以肅關王道定天保樂均靈
囿燕同在鎬前庭懸鼓鐘左右列笙鏞纓佩俯
仰有則脩禮容翔振鷺騁羣龍隆周何足擬遠

與唐比蹤

惟大梁

漢上邪改為惟大梁言
梁德廣運仁化洽也

惟大梁開運受錄膺圖君八極冠帶被五都四海
垂和會排闕欵塞無異塗

梁大壯大觀舞歌二首

梁初猶用凱容宣烈之舞武帝定樂以
武舞為大壯舞文舞為大觀舞又大壯
舞奏夷則大觀舞奏姑洗取其月望也

大壯舞歌

大壯舞取易象云大壯大者壯
也正大而天地之情可見也

高高在上實愛斯人眷求聖德大拯彝倫率土
方燎如火在薪慄慄黔首暮不及晨朱光啓耀
兆發穹旻我皇鬱起龍躍漢津言屈牧野電激
雷震闕華之甲彭濮之人或貔或武漂杵浮輪
我邦雖舊其命維新六伐乃止七德必陳君臨
萬國遂撫八寅

大觀舞歌

大觀者取易象曰大觀在上
觀天之神道而四時不忒也

皇矣帝烈大哉興聖奄有四方受天明命居上

不怠臨下惟敬舉無咎則動無失正物從其本
人遂其性昭播九功肅齊八柄寬以惠下德以
爲政三趾晨儀重輪夕映棧壑忘阻梯山匪變
如日有恒與天無竟載陳金石式流舞詠咸英
韶夏於茲比盛

梁鞞舞歌

明之君六首

明君本漢世鞞舞曲梁武帝時改其辭以歌君德

大梁七百始天監三元初聖功澄宇縣帝德總

車書熙熙億兆臣其志皆懽愉

刑措甫自今隆平亦肇茲神武超躋漢安用道
邠岐百拜奄來宅執玉咸在斯象天則地體無
爲

禮緝民用擾樂諧風自侈舜琴中已絕堯衣今
復垂象天則地體無爲

治兵戰六獸爲邦命九官靈蛇及瑞羽分素復
銜丹望就踰軒頊鏗鏘掩咸護九尾擾成羣八
象鳴相顧象天則地化雲布

有爲臣所執司
辨君之道運行乃四時無言信
蒼昊宸居體冲寂忘懷定天保

至德同自然裁成侔玄造
珍祥委天貺靈物開
地寶窈窕降青琴參差秀朱草

沈隱侯集卷之三

梁吳興沈約休文著

明閩漳張燮紹和纂

樂府

日出東南隅行

以下
五言

朝日出東南
照我叢臺端
中有傾城豔
顧景織羅
紈延軀似
織約遺視
若回瀾瑤
裝映層綺
金服炫雕
欒幸有同
匡好西仕
服秦官寶
劍垂麗貝
汗馬飾金
鞍繁場類
轉雪逸控
寫騰鸞羅
衣

夕解帶玉釵暮垂冠

昭君辭

朝發披香殿夕濟汾陰河於茲懷九逝自此歛
雙蛾沾妝疑湛露繞臆狀流波日見奔沙起稍
覺轉蓬多胡風犯肌骨非直傷綺羅銜涕試南
望關山鬱嵯峨始作陽春曲終成苦寒歌唯有
三五夜明月暫經過

長歌行

連連舟壑改微微市朝變來功嗣往迹莫武徂

升彥局塗頓遠策留懽恨奔箭摧戚狀驚瀾循
休擬回電歲去芳願違年來苦心薦春貌旣移
紅秋林豈停舊一倍茂陵道寧思栢梁宴長戢
兎園情永別金華殿聲徽無惑簡丹青有餘綯
幽簫且未調無使長歌倦

又

春隰莢綠柳寒墀積皓雪依依往紀盈罪罪來
思結思結纏歲宴曾是掩初節初節曾不掩浮
榮逐弦缺弦缺更圓合浮榮未沈滅色隨夏蓮

變態與秋霜
臺道迫無異
期賢愚有同
絕銜恨
豈云忘天道
無甄別功名
識所職竹帛
尋摧裂
生外苟難尋
坐爲長歎設

君子行

良御惑燕楚
妙察亂澠淄
隄傾由漏壤
垣隙自危基
蠶途或妄踐
黨議勿輕持

從軍行

惜哉征夫子
憂恨良獨多
浮天出鯁海
束馬渡交河
雪縈九折嶺
風卷萬里波
維舟無夕島
秣

驥乏平沙凌濤雷驚沫援木關垂蘿江颿鳴壘
嶼流雲照層阿玄埃晦朔馬白日照吳戈寢興
動征怨寤寐起還歌晨裝豈輟警夕壘詎淹和
苦哉遠征人悲矣將如何

豫軍行

燕陵平而遠易河清且駛一見塵波阻臨途引
征思雙劍愛匣同孤鸞悲影異宴言誠易纂清
歌信難嗣卧聞夕鐘急坐閱朝光亟往歡墜壯
心來戚滿衰志徂芳無再馥淪灰定還熾夏臺

尚可忘榮辱亦奚事愧微曠士節徒感鄙生餌
勞哉納辰和地遠託聲寄

相逢狹路間

相逢洛陽道繫聲流水車路逢輕薄子竚立問
君家君家誠易知易知復易憶龍馬滿街衢飛
蓋交門側太子萬戶侯中子飛而食小子始從
官朝夕溫省直三子俱入門赫奕多羽翼若若
青組紆煙煙金鏑色大婦遶梁歌中婦廻文織
小婦獨無事閉門聊且卽綠綺試一彈玄鶴方

晨策終南首顧望咸陽川戚里遡層闕甲館負
崇軒複塗希紫閣重臺擬望仙巴姬幽蘭奏鄭
女陽春絃共矜紅顏日俱忘白髮年寂寥茂陵
宅照曜未央蟬無以五鼎盛顧嗤三經玄

白馬篇

白馬紫金鞍停鑣過上蘭寄言狹斜子詎知隴
道難赤坂途三折龍堆路九盤冰生肌裏冷風
起骨中寒功名志所急日暮不遑飡長驅入右
地輕舉出樓蘭直去已垂涕寧可望長安匪期

定遠封無羨輕車官唯見恩義重豈覺衣裳單
木持軀命答幸遇身名完

齊謳行

東秦稱右地川隰固夷昶層峰駕蒼雲濁河流
素壤青丘良杳鬱雪宮信踈敞王佐改殷命霸
功繆周網

前緩聲歌

羽人廣宵宴帳集瑤池東開霞泛彩靄澄霧迎
香風龍駕出黃苑帝服起河宮九疑轡煙雨三

山馭螭鴻玉鑾乃排月瑤輶信凌空神行燭玄
漠帝旃委曾虹簫歌美羸女笙吹悅姬童瓊漿
且未洽羽轡已騰空息鳳曾城曲滅景清都中
隆祐集皇代委祚溢華嵩

鼓吹曲二首同諸公賦

芳樹

發萼九華隈開跼寒露側氤氲非一香參差多
異色宿昔寒飈舉摧殘不可識霜雪交橫至對
之長歎息

臨高臺

高臺不可望望遠使人愁連山無斷絕河水復
悠悠所思竟何在洛陽南陌頭可望不可見何
用解人憂

王融巫山高附

想像巫山高薄暮陽臺曲煙霞乍舒卷蘅芳
自斷續彼笑如可期寤言紛在矚憮然坐相
思秋風下庭綠

又芳樹附

相望早春日煙華雜如霧復此佳麗人含情
結芳樹綺羅已自憐暄風多有趣去來徘徊
者佳人不可遇

謝朓芳樹附

早翫華池陰復影滄洲
樵斨旖旎芳若斯歲華
紛可結霜下桂枝消
怨與飛蓬折不厠玉盤
茲誰憐終委絕

又臨高臺附

千里常思歸登臺臨綺翼
纔見孤鳥還未辨

連山極四面動清風朝夜起寒色誰知倦遊者嗟此故鄉憶

劉繪巫山高附

高唐與巫山參差鬱相望灼爍在雲間氛氲出霞上散雨收夕臺行雲卷晨幃出沒不易期嬋娟以惆悵

又有所思附

別離安可再而我更重之佳人不相見明月空在幃共御蒲堂酌獨歛向隅眉中心亂如

雪竈知有所思

范雲巫山高附

巫山高不極白日隱光輝
靄靄朝雲去溟溟暮雨歸
巖懸獸無跡林暗鳥疑飛
枕席竟誰薦相望空依依

又有所思附

如何有所思而無相見時
宿昔夢顏色階庭尋履綦
高張更何已引滿終自持
欲知憂能老爲視鏡中絲

又當對酒附

對酒心自足故人來共持
方悅羅衿解誰念
髮成絲狗性良爲達求名本自欺
追君當歌日及我傾樽時

洛陽道

洛陽大道中佳麗實無比
燕裙傍日開趙帶隨
風靡領上蒲萄繡腰中
合歡綺佳人殊未來薄
暮空徙倚

江南曲

櫂歌發江潭，承蓮渡湘南。宜須聞隱處，舟浦予
自詣。羅衣織成帶，墮馬碧玉簪。但令舟楫渡，寧
計路嶄巖。

東武吟行

天德深且曠，人世賤而浮。東枝纔拂景，西壑已
停輶。逝辭金門寵，去飲玉池流。霄轡一永矣，俗
累從此休。

怨歌行

時屯寧易犯，俗險信難羣。坎壈元叔賦，頓挫敬

通文遽淪班姬寵
夔賈生墳類俗同如此長
歌何足云

悲哉行

旅遊媚年春
年春媚遊人
徐光且垂彩
和露曉凝津
時嚶起稚葉
蕙氣動初蘋
一朝阻舊國
萬里隔良辰

携手曲

捨轡下雕輅
更衣捧玉牀
斜簪映秋水
開鏡比春粧
所畏紅顏促
君恩不可長
鷄冠且容齎
豈

客桂枝亡

有所思

西征登隴首東望不見家
關樹抽紫葉寒草發青芽
昆明當欲滿蒲萄應作花
垂淚對漢使因書寄狹斜

夜夜曲

二曲

河漢縱且橫北斗橫復直
星漢空如此寧知心有憶
孤燈暖不明寒機曉猶織
零淚向誰道雞鳴徒歎息

北斗闌干去夜夜心獨傷月輝橫射枕燈光半
隱牀

釣竿

桂舟旣容與綠浦復回紆輕絲動弱芰微楫起
單鳧扣舷忘日暮卒歲以爲娛

臨碣石

碣石送返潮登岸禮朝日溟漲無端倪山島玄
崇崒驥老心未窮酬恩豈終畢

湘夫人

瀟湘風已息沅澧復安流楊娥一含睇嫵媚好
且脩桐珙置澧浦解珮寄中洲

貞女引

貞女信無矯傍隣也見疑輕生本非惜賤軀良
足悲傳芳託嘉樹弦歌寄好詞

襄陽白銅鞮歌三首

分手桃林岸送別峴山頭若欲寄音信漢水向
東流

生長宛水上從事襄陽城一朝遇神武奮翼起

先鳴

蹀躞飛塵起左右自生光男兒得富貴何必在
歸鄉

永明樂

聯翩貴遊子侈靡千金客華轂起飛塵珠履竟
長陌

梁武帝白銅鞮歌辭

陌頭征人去閨中女下機含情不能言送別
沾羅衣

草樹非一香花葉百種色寄語故情人知我
心相憶

龍馬紫金鞍翠氍白玉羈照耀雙闕下知是
襄陽兒

江南弄四首

以下
雜言

趙瑟曲

英華作元帝今
從樂府作沈約

耶鄴竒弄出文梓繁絃急調切流徵玄鶴徘徊
白雲起白雲起鬱披香離復合曲未央

秦箏曲

江隱集卷三
羅袖飄飄拂雕桐促柱高張散輕宮迎歌度舞
還歸風還歸風止流月壽萬春歡無歇

陽春曲

楊柳垂地鶯差池緘情忍思落容儀弦傷曲怨
心自知心自知人不見動羅裙拂珠殿

朝雲曲

陽臺氤氲多異色巫山高高上無極雲來雲去
常不息常不息夢來遊極萬世度千秋

樂未央

億舜日萬堯年詠湛露歌採蓮牘雜百花氣宛
轉金鑪前

四時白紵歌五首

七言

古今樂錄曰沈約云白紵五
章勅臣約造武帝造後兩句

春白紵

蘭葉參差桃半紅飛芳舞縠戲春風如嬌如怨
狀不同含笑流眄滿堂中翡翠羣飛飛不息願
在雲間長比翼佩服瑤草駐容色舜日堯年歡
無極

夏白紵

英華作武帝今從樂府作沈約

朱光灼爍照佳人含情送意遙相親
嫣然一轉亂心神非子之故欲誰因
翡翠羣飛飛不息願在雲間長比翼
佩服瑤草駐容色舜日堯年歡無極

秋白紵

白露欲凝草已黃金瑃玉柱響洞房
雙心一意俱徊翔吐情寄君君莫忘
翡翠羣飛飛不息願在雲間長比翼
佩服瑤草駐容色舜日堯年歡

無極

冬白紵

寒閨晝密羅幌垂婉容麗色心相知雙去雙還
誓不移長袖拂面爲君施翡翠羣飛飛不息願
在雲間長比翼佩服瑤草駐容色舜日堯年歡
無極

夜白紵

秦箏齊瑟燕趙女一朝得意心相許明月如規
方襲予夜長未央歌白紵翡翠羣飛飛不息願

在雲間長比翼佩服瑤草駐容色舜日堯年歡
無極

沈隱侯集卷之四

梁吳興沈約休文著

明閩漳張爕紹和纂

詩

侍皇太子釋奠宴

以下
四言

尊學尚矣道亦遐哉啓圖觀祕闢苑興才事高
東序義邁雲臺戔戔德傳灼灼英台復禮曲臺
反樂宣榭闕文內舉輶軒外駕結朋千里從師
百舍墜典必脩闕祀咸薦廻鸞獻爵擬金委奠

騁士辨儀胥人掌縣髣髴神蹤徘徊靈睞

爲南郡王侍皇太子釋奠宴二首

陵季相沿訓隨世殆政缺雅乖風漓化改禮亡
衽席樂沈河海三雍靡構四教誰采瞻震竝峻
義屬重麗橫書清道晦彼生知

義重師匡業貴虛受襄野順風西河杜帶表跡
虧光降情廻首道御百靈神行萬有尊學尚矣
繼列傳徽旗章或舛茲道莫違自堂及室異軫
同歸洋洋聖範楚楚儒衣

三日侍鳳光殿曲水宴應制

允遲蕙畝氣婉椒臺皇心愛矣帝曰遊哉玉鸞
徐警翠鳳輕迴別殿廣臨離宮洞啓川祗奉壽
河宗相禮清洛漸筵長伊流陞泗盪嘉羞搖漾
芳醴輕歌易繞弱舞難持素雲留管玄鶴停絲
引思爲歲歲亦陽止叨服賁身身亦昌止徒勤
丹漆終愧文梓

爲臨川王九日侍太子宴

涼風北起高鴈南翻葉浮楚水草折梁園淒涼

霜野惆悵晨鵑雲輕寒樹日麗秋原三金廣設
六羽高陳寒英始獻涼酎初醇靡靡神襟鏘鏘
羣彥思媚儲猷洽和奉宴恩暢蘭席歡同桂殿
景邊樂推臨風以眷麗景天枝位非德舉任伍
辰階祚均河楚負嶽未勝瞻雲難侶望古興惕
心焉載佇

九日侍宴樂遊苑

憑玉宅海端宸御天止流飛壑靜震騰川凝神

貫

一作

極牆道漏泉西裘委衽南風在絃暮芝

明池山中感可悅賞逐四時移春光發隴首秋
風生桂枝

多愼息心侶結架山之足八解鳴澗流四禪隱
巖曲窈冥終不見蕭條無可欲所願從之遊寸
心於此足

君王挺逸趣羽旆臨崇基白雲隨玉趾青霞襍
桂旗淹留訪五藥顧步佇三芝於焉仰鑠駕歲
暮以爲期

登高望春

登高眺京洛街巷紛漠漠迴首望長安城闕鬱
盤桓日出照鈿黛風過動羅紈齊童躡朱履趙
女揚翠翰春風搖櫟樹歲綖綠且丹寶瑟玫瑰
柱金羈玳瑁鞍淹留宿下蔡置酒過上蘭解眉
還復歛方知巧笑難佳期空靡靡含睇未成歡
嘉客不可見因君寄長歎

遊金華山

遠策追夙心靈山協久要天倪臨紫闕地道通
冊竅恭乘琴高鯉且縱嚴陵釣若蒙羽駕迎得

奉金書召高馳入關關方觀靈妃笑

劉真人東山還

連峯竟無已積翠遠微微寥戾野風急雲黃秋
草腓我來歲云暮於此悵懷歸霜雪方共下寧
止露霑衣待余兩岐秀去去掩柴扉

登玄暢樓

危峯帶北阜高頂出南岑中有陵風榭迴望川
之陰岸險每增減湍平互淺深水流本三派臺
高乃四臨上有離羣客客有慕歸心落暉映長

浦煥景燭中潏雲生嶺乍黑日下溪半陰信美
非吾土何事不抽簪

酬謝宣城朏卧疾

王喬飛鳧歸東方金馬門從宦非宦侶避世作
避諠揆予發皇鑒短翮屢飛翻晨趨朝建禮晚
沐卧郊園賓至下塵榻憂來命緣尊昔賢侔時
雨今守馥蘭孫神交疲夢寐路遠隔思存牽拙
謬東汜浮情及西崑顧循良菲薄何以儷璵璠
將隨渤澥去刷羽沆清源

謝朓在郡卧病呈沈尚書附

淮陽股肱守高卧猶在茲况復南山曲何異
幽棲時連陰感農節臺笠聚東菑高閣常晝
掩荒堦少諍辭珍簟清夏室輕扇動涼颼嘉
魴聊可薦綠蟻方獨持夏李沉朱實秋藕折
輕絲良辰竟何許夙昔夢佳期坐嘯徒可積
爲邦歲已期絃歌終莫取撫枕令自嗤

新安江至清淺深見底貽京邑遊好

眷言訪舟客茲川信可珍洞徹隨清淺皎鏡無

冬春千仞寫喬樹百丈見遊鱗滄浪有時濁清
濟涸無津豈若乘斯去俯映石磷磷紛吾隔囂
滓寧假濯衣巾願以潺湲水霑君纓上塵

送別友人

外編作任
助者非

君東我亦西銜悲涕如霰浮雲一南北何由展
言宴方作異鄉人贈子同心扇遙裔發海鴻連
翻出簷燕春秋更去來參差不相見

去東陽與吏民別

微薄叨今幸忝蒞非昔期唐風豈異世欽明重

在茲飾驂去關輔分竹入河淇下車如昨日曳
組忽彌襟霜載凋秋草風三動春旗無以招卧
轡寧望後相思

早發定出

夙齡愛遠壑晚蒞見青山標峯綵虹外置嶺白
雲間傾壁忽斜豎絕頂復孤圓歸海流漫漫出
浦水濺濺野棠開未落山櫻發欲然忘歸屬蘭
杜懷禪寄芳荃眷言採三秀徘徊望九仙

循役朱方道路

分繻出帝京升裝奉皇穆洞野屬滄溟聯郊遯
河服日映青丘島塵起邯鄲陸江移林岸微巖
深煙岫複歲嚴摧磴草午寒散嶠水縈蔚夕飈
卷蹉跎晚雲伏霞志非易從旌軀信難收豈慕
淄宮梧方辭兔園竹羈心亦何言迷蹤度能復

和竟陵王遊仙詩二首

天

一作矯

一作矯

乘絳仙騎衣方陸離玉鑾隱雲

霧溶溶紛上馳瑤臺風不息赤水正漣漪曄曄

玄圃止聊攀瓊樹枝

朝止閭闔宮暮宴清都闕騰蓋擁奔星低鑾避
行月九疑紛相從虹旌乍升沒青鳥去復還高
唐雲不歇若華有餘照淹留且晞髮

遊沈道士館

秦皇御宇宙漢帝恢武功歡娛人事盡情性猶
未充銳意三山上托慕九霄中旣表祈年觀復
立望仙宮靈爲心好道直由意無窮曰余知止
足是願不須豐遇可淹留處便欲息微躬山嶂
遠重疊竹樹近蒙籠開襟濯寒水解帶臨清風

所累非物外爲念在玄蹤朋來握石髓賓至駕
輕鴻都令人徑絕懽使雲路通一舉凌倒景無
事適華嵩寄言賞心客歲暮爾來同

還園宅奉酬華陽先生

早欲尋名山期待婚嫁畢二事雖云已此外復
非一忽聞龍圖至仍覩榮光溢副朝首八元開
壤賦千室冠纓曾弗露風雨未嘗櫛鳴玉響洞
門金蟬映朝日慙無小人報徒叨令尹秩豈忘
平生懷靡盬不遑恤

華陽先生登樓不復下贈呈

側聞上士說尺木乃騰霄雲駢不展地仙居多
罷譙卧待三芝秀坐對百神朝銜書必青鳥佳
客信龍鑣非止靈桃實方見大椿凋

酬華陽陶先生

三清未可覲一氣且空存所願迴光景極難拔
危魂若蒙九丹贈豈懼六龍奔

奉華陽王外兵

餐玉駐年齡吞霞反容質恥識青丘樹迴見狀

桑日爛熳蜃雲舒欽崙山海出

赤松澗

松子排煙去英靈眇難測惟有清澗流潺湲終
不息神丹在茲化雲輶於此陟願受金液方片
言生羽翼渴就華池飲饑向朝霞食何時當來
還延佇青巖側

八關齋

因戒倦輪飄習障從塵染四衢道難關八正扉
猶掩得理未易期失路方知險迷塗旣已復豁

悟非無漸

古意

挾瑟荒臺下徙倚愛容光佇立日已暮戚戚苦
人腸露葵已堪摘淇水未沾裳錦衾無獨暖羅
衣空自香明月雖外照寧知心內傷

少年新婚爲之詠

山陰柳家女薄言出田墅丰容好姿顏便僻巧
言語腰肢旣軟弱衣服亦華楚紅輪映早寒畫
扇迎初暑錦履並花紋繡帶同心苜羅襦金薄

厠雲鬢花釵舉我情已鬱紆何用表崎嶇託意
眉間黛中心口上朱莫爭三春價坐喪千金軀
盈尺青銅鏡徑寸合浦珠無因達往意欲寄雙
飛鳬裾開見玉趾衫薄映凝膚羞言趙飛燕笑
殺秦羅敷自顧雖悴薄冠蓋曜城隅高門列騶
駕廣路從驪駒何慚鹿盧劒詎減府中趨還家
問鄉里詎堪特作夫

夢見美人

夜聞長歎息知君心有憶果自閭闔開魂交覩

顏

玉臺作容

色旣薦巫山枕又奉齊眉食立望復橫

陳忽覺非在側那知神傷著潺湲淚沾臆

丘學省愁卧

秋風吹廣陌蕭瑟入南闌愁人掩軒卧高窓時
動扉虛館清陰滿神宇矇微微網蟲垂戶織夕
鳥傍欄飛纓珮空爲忝江海事多違山中有桂
樹歲暮可言歸

休沐寄懷

雖云萬重嶺所翫終

一作惟

一丘堦墀幸自足安

事遠遨遊臨池清潄暑開幌望高秋園禽與時
變蘭根應節抽憑軒寒木末垂堂對水周紫籜
開綠篠白鳥映青疇艾葉彌南浦荷花遶北樓
送日隱層閣引月入輕幃爨熟寒蔬剪賓來春
蟻浮來往旣云勑充景爲誰留

宿東園

陳王鬪雞道安仁採樵路東郊豈異昔聊可閒
余步野徑旣盤紆荒阡亦交互槿籬踈復密荆
扉新且故樹頂鳴風飈草根積霜露驚麀去不

息征鳥時相顧茅棟嘯愁鴟平岡走寒兔夕陰
帶層阜長煙引輕素飛光忽我適豈止歲云暮
若蒙西山藥頽齡倘能度

行園

寒辰方卧壠秋蕨亦滿陂紫茄紛爛熳綠芋鬱
參差初菰向堪把時韭日離離高梨有繁實何
減萬年枝荒渠集野鴈安用昆明池

謝朓和沈祭酒行園附

清淮左長薄荒徑隱高蓬回潮旦夕上寒渠

左右通霜畦紛綺錯秋町鬱蒙茸環梨縣已
紫珠榴折且紅君有棲心地伊我歡旣同何
用甘泉側玉樹望菁蔥

和左丞庾杲之病

歲暮豈云聊參差憂與疾匪澣孰能賜持身固
無述握蘭空盈把待漏終不溢嚮喧滿眼前簿
領紛盈膝安用談天辯徒勞夢賜筆挂冠若東
都山林寧復出

和竟陵王抄書

教微因弛轡維峻屬貞期義乖良未遠斯文煥
在茲超河綜絕禮冠楚綴淪詩披滕辨蠹冊酌
醴訪深疑澄流黜往性泛畧引前滋漢壁含遺
篆名山多逸詞綠編方委閣素簡日盈輜空幸
參鴛鷺比秀惡瓊芝挹流旣知廣復道還自嗤

奉和竟陵王郡縣名

西都富軒冕南宮溢才彥高闕連朱雉方渠漸
游殿廣川肆河濟長岑繞嶠汧曲梁濟危渚平
臯騁悠眇清淵皎澄徹曾山鬱葱蒨陽泉濯春

藻陰丘聚寒霞西華不可留東光促奔箭望都
遊子懷臨戎征馬倦旣豫平章集復齒南皮宴
一窺長安城羞言杜陵掾

奉和竟陵王藥名

卅草秀朱翹重臺架危岳木蘭露易飲射干枝
可結陽隰採辛夷寒山望積雪玉泉亟周流雲
華乍明滅合歡葉暮卷爵林聲夜切垂景迫連
桑思仙慕雲將荆實剖丹瓶龍芻汗奔血照握
乃夜光盈車非玉屑細柳空葳蕤水萍終委絕

黃符若可挹長生永昭哲

和陸慧曉百姓名

建都望淮海樹闕表衡稽并榦風雲出栢梁星
漢齊皇王臨萬宇惠化覃黔黎吉士服仁義宿
昔乘華主庸賢起幽谷欽言非象犀端委康國
步偃息召邦攜舉政方分策易紀粲金泥伊余
冰嘉幸由是別園畦曾微洞露答光景遂雲西
方隨煉卅子薄暮矯行迷

三月三日率爾成章

麗日屬元巳年芳具在斯
開花已匝樹流嚶復滿枝
洛陽繁華子長安輕薄兒
東出千金堰西臨鴈鶩陂
遊絲應空轉高楊拂地垂
綠幘文照耀紫燕光陸離
清晨戲伊水薄暮宿蘭池
象筵鳴寶瑟金瓶泛羽卮
寧憶春蠶起日暮桑欲萎
長袂屢已拂彫胡方自炊
愛而不可見宿昔減容儀
且當忘情去歎息獨何爲

織女贈牽牛

紅粧與明鏡二物本相親
用持施點畫不照離

居人往秋雖一照一照復還塵塵生不復拂蓬
首對河津冬夜寒如此寧遽道陽春初商忽云
至暫得奉衣巾施衿已成故每聚忽如新

王筠代牽牛答織女附

新知與生別由來儻相值如何寸心中一宵
懷兩事歡娛未繾綣倏忽成離異終日遙相
望祗益生愁思猶想今春悲尚有故年淚忽
遇長河轉獨喜涼飈至奔精翊鳳軫織阿瞿
龍轡

應王中丞思遠咏月

月華臨靜夜夜靜滅氛埃方暉竟戶入圓影隙
中來高樓切思婦西園遊上才網軒映珠綴應
門照綠苔洞房殊未曉清光信悠哉

和王中書德充詠白雲

白雲自帝鄉氛氲屢迴沒蔽虧崑山樹含吐
臺月秋風西北起飄我過城闕城闕已參差
雲復離離皎潔在天漢倒影入華池將過卅
野時至碧林垂九重迎飛燕萬里送翔螭

詠雪應令

思鳥聚寒蘆蒼雲軫暮色夜雪合且離曉風驚
復息嬋娟入綺牕徘徊驚情極弱桂不勝枝輕
飛屢低翼玉山聊可望瑤池豈難卽

和劉雍州繪博山香爐

範金誠可則摘思必良工凝芳自朱燎先鑄首
出銅環姿信岳嶠奇態實玲瓏峯磴互相拒巖
岫杳無窮赤松遊其上歛足御輕鴻蛟螭盤其
下驤首盼層穹嶺側多奇樹或孤或複叢巖間

有佚女垂袂似含風，翬飛若未已。虎視鬱餘雄，
登山起重障。左右引絲桐，育和清夜吐。蘭煙四
面充，如彼崇朝氣。觸石繞華嵩。

劉繪詠博山香爐附

參差鬱佳麗，合沓紛可憐。蔽虧千種樹，出沒
萬重山。上鏤秦王子，駕鶴乘紫煙。下刻蟠龍
勢，矯首半銜蓮。旁爲伊水麗，芝蓋出巖間。復
有漢游女，拾羽弄餘妍。榮色何雜揉，繹繡更
相鮮。麝麝或騰倚，林薄杳芊蕨。掩華終不發。

含薰未肯然風生玉階樹露湛曲池蓮寒蟲
悲夜室秋雲沒曉天

詠湖中鴈

白水滿春塘旅鴈每迴翔
唼流牽弱藻歛翮帶餘霜
羣浮動輕浪單汎逐孤光
懸飛竟不下亂起未成行
翎羽同搖漾一舉還故鄉

冬節後至丞相第請世子車中作

廉公失權勢門館有虛盈
貴賤猶如此况乃曲池平
高車塵未滅珠履故餘聲
賓階綠錢滿客

位紫苔生誰當九原上鬱鬱望佳城

奉和竟陵王經劉瓛墓

表閭欽逸軌軾墓禮真魂化塗終眇默神理曖

猶存塵經

一作駕

未輟幌高衡已委門日蕪子雲

舍徒望董生園華陰無遺布楚席有靈樽玄泉
倘能慰長夜且勿論

竟陵王登山望雷居士精舍同沈右衛

過劉先生墓下作附

沛國劉子珪學優未仕跡邇心遐履信體仁

古之遺德潛升迅景滅賞淪輝言念芳猷式
懷嗟述屬舍弟隨郡有示來篇彌縝久要之
情益深宿草之歎升望西山率爾爲答雖因
事雷生實車悲劉子云爾

漢陵滄館燕晉殄洙風缺五都聲論空三河
文義絕興禮邁前英談玄踰往哲明情日夜
深徽音歲時滅垣井總已平煙雲從容裔爾
歎牛山悲我悼驚川逝

悼亡

去秋三五月今秋還照梁今春蘭蕙草來春復
墮芳悲哉人道異一謝永銷亡簾屏既翫一作
屏筵空帷席更施張游塵掩虛座孤帳覆空床
萬事無不盡徒令存者傷